



Шормо эл, порымлык да гын берг!

50-ше (3386) №,
2018 ий 15 декабрь,
шуматкече.

ЯМДЕ ЛИЙ

1933 ий 1 февраль годсек лектеш.

0+

Сенгымаш ўшаным пуа

Журналистикыште ойырте-малтмыжлан «Ямде лий» газетын икымше редакторжо Зинаида Емельяновна ЯКОВЛЕВА лүмеш премийын лауреатше – **Виктория МАМАЕВА** (Кужэнгер район Йүледүр школ).

Марий Эл деч тораште илыше марий-влак коклаште – «Ямде лий» газетын 1969-1986 ийлесе тўн редакторжо Алеко ЮЗЫКАЙН лүмеш премийым Татарстан кундем Мамадыш район Кугу Шия школын тунемшыже **Наталья СИДОРОВА**ЛАН пуймо.



Л.ГРИГОРЬЕВАН фотожо-влак.



Шижыда, йоча-влак, эше ик идалык мучашке лишемеш. Башке кокымшо тунем чырык мучашлатеш: У ийым нөлтшө кумыл дене вашлияш, дневникыштыда лач «4» да «5» лийышт манын, чот тыршыман. Кугуен-влакат талук мучко ыштыме пашаштлан акым пуат: сенгымаш ден ситыдымашым палемдат. Меат, редакций пашаен-влак, «Ший памаш» сылнымут фонд дене пырля эртарыме «Рвезе йўк» конкурсым иктешлышна. Чолга юнкор-влакым Марий тисте пайремыште саламлышна.

Поэзийыште ойырте-малтмылан **АНТОНОВ** Ивук лүмеш премийын лауреатше – **Екатерина РЫБАКОВА** (2-шо номеран Шернур школ).

Тек тиде сенгымаш сылнымут курыкыш кўзымаште икымше, но пентгыде тошкалтыш лиеш.

Юнкор да литературно-творческий пашам сайын виктарен колтымылан Валентин Борисович ИСЕНЕКОВ лүмеш премийым **У Торъял районьысо Кузнеч школын юнкор кружокшо** сулен.

«Ший памаш» сылнымут фондым вуйлатыше писатель Василий **КРАСНОВ**ЛАН кугу таум ойлена.

Тунемшына-влак «Ямде лий» газетыш түрлө заметкым, почеламутым, статьям возат. Юнкор слётышто Инна Мамаева, Валерия Соловьева да Полина Бирюкова лийыныт. Марий газет тунемше-влакым шочмо йылме деке шўманда, а эн тўнжө – возаш кумылым шочыкта. Йоча-влакын сенгымашышт мыйымат у пашашке ўжеш. Ялысе изи школын надыржым тыге кўкшўн аклымылан кугу таум каласем. **У Торъял район Кузнеч школысо «Юнкор» кружокым вуйлатыше Р.И.ЯНДЕМИРОВА.**



❖ **Связь отделенийште подпискым ыштыза. Ак – 322 тенгеат 56 ыр. Индекс – П4696.**

ПОДПИСКЕ

Лотерей модышыш ушныза. **Тўн приз – СМАРТФОН!**

Рекламе.





Агата Ершова, Анна Смирнова (13-ша №-ан йочасал)

Изи, да туш улыт

10 декабрьште Йошкар-Оласе йочасал-лашке коштшо изи падыраш-влак почеламутым сылнын лудмо усталыкыштым «Сылнымут аршаш» конкурсышто тергеныт. Таңгасымашке шуко йоча ушнен. 3-5 ияш-влак коклаште 29-ше номеран йочасад гыч Вадим Мамаев (снимкыште) «Изи шофёр» почеламутым чаткан, раш лудмыжо дене сўан» йомак-поэме гыч ужашым артист гай модын ончыктен. Рвезе 5-7 ияш-влак коклаште икымше вер дене палемдалтын.

Л.ГРИГОРЬЕВА.




Увер

Т.Евсеев лўмеш национальный музейште Россий Конституцийлан 25 ий темме лўмеш ончер почылтын. Тушто Марий Эл Вуй-латыше А.А.Евстифеев лийын. Тудо 14 ийым темыше самырык гражданин-влак-лан паспорттым кучыктен.

3-шо номеран Медведево школын тунемшыже-влак кадет радамаш ушненыт. Нуным Марий Эл Правительстве Вуйлатышын алмаштышыже С.А.Воронцов саламлен, Марий Эл Республикын элгўргў министр В.А.Косарев кадетын удостоверенийжым кучыктен.

Школ – тиде кокымшо сурт, маныт. Чынак. Ме школышто пеш шуко жапым эртарена. Кажне кечын кўлешаным, онгайым пален налына. Ме классыште икте-весеылан эре полшена, вет ме чылан ик еш гай улына.

Дима АРХИПОВ.
Морко,
Коркатово.



Школыштына Инвалид-влак-лан пўлеклалтше арня эртыш. Меат ўрдыжеш ыжна код. Ик кечын урок деч вара Зоя Анатольевна ден Василий Николаевич Мамаевмытым, Мая Федоровна ден Леонид Дмитриевич Петуховмытым саламлаш мийышна. Нунылан шке ыштыме открыкынам кучыктышна, мурым мурышна, кушталтенат пуышна. Пеш йывыртеныт, шинчавўдыштат лекте.



Поро паша куандара

Екатерина МАМАЕВА.

Шернур, Шўдымарий.

Шўргыял школыштына волонтер-влак поро сомылыштым икмынярымше ий шуктат. Йоча-влак илалше да инвалид-шамычлан сурт сомылкам ышташ полшат.

Нунын нерген заметкым, почеламут ден сочиненийым серат. Эн чулум волонтерлан чап кагазым кучыктена.

Е.В.ГРИГОРЬЕВА.
Морко район.

Олимпиаде тургым

Ноябрь-декабрь тылзылаште район мучко олимпиаде эрта. Тунемше-влак тўрлў предмет дене шинчымашыштым тергат. Мемнан школысо тунемше-влак-ат уш таңгасымашке ушненыт. 9-ше классыште тунемше Эдуард Большаков ОБЖ дене келге шинчымашым ончыктен, призёр тўшкашке логалын. Йолташлан умбакыжат сенымашым тыланена.

Катя ФЁДОРОВА.
Звенигово, Эсмекпляк.

Телым йоча-влак андар южышто 3 шагат лиймаш улыт.

Марий Эл Республикым Вуйлатыше А.А.Евстифеев лўм дене У ий ёлко 20-21 декабрьште Курчак театрыште лиеш. Тушко 7-12 ияш йоча-влакым ўжит.

Тылзе комдык шочеш – темлем кыже, йўштў лиеш.

Данка санган маска мала, Садлан ок кїл тудлан саска... Лисымудыш.

Бауман лицей пеленысе «Лира» сымыктыш школ «Руки сердечное тепло» инклюзив фестиваль-конкурсым 23 декабрьште эртара.

Лўм кум ий ден шукулан ялдылаш ойўрў – тулым канда.

Марий Эл гыч «ЗУМ» йоча киностудий «Кино-Клик» еш да самырык-влак фильмын XII тўнямбал фестивальыштыже кумшо верыш лектын.



Еш – ылыш кече

Еш – айдемын поянлыкше. Тудо вашумылымаш да пагалымаш гыч тўналеш. Тудым сорта тул гай аралыман. «Ача-ава шке шочшыжо верч Юмо ончылно мутым куча», – маныт калыкыште.

Сандене икшывым ылышлан ончылгоч туныктен шогаш күлеш. Вет икшыве – саска, чоным куандарыше, вийым пуышо кичке.

Ялыште ылыше еш ожнысек мланде пашалан шўманше, вольыкым онча, пўртым чоңа, икшывым йол ўмбақ шоғалта. Морко район Кугу Шале ялыште ылыше Татьяна Викторовна ден Владимир Витальевич Александровмыт ныл икшывым ончен куштат. Суртоза Моско олаште пашам ышта, а Татьяна пелашыже фермыште ушкалым онча. «Ялыште паша укелан кўра оксам ышташ тора шке коштман. Таче кечын тидлан

Пўртсийым

ўрман огыл, шуко еш тыге ила. Уке гын пўртым чонен шукташ оксам ситараш огеш лий, тўрлў йўным кычалына, – ойла Владимир Витальевич. – Шылым, шўрым кевытыште налын огына коч, чыла шкенаң. Вольыкым ончена, тидат шўкалтыш». Еш оза пашалан пеш мастар. Кок пачашан пўртлан верандым моторын сўрастарен, кокымшо пачашыш кўзашлан тошкалтышым шке кидше дене келыштарен. Пашалан нигўжат вуйым огеш шупш, чыла шке вий дене ыштаг.

– Шуко йочан ешыште пашам пырля ышташ куштылгырак. Икшывына-шамычлан ўшанле йолташ лияш тыршена, йоча-влакым изинек порылыклан туныктена, – ойла Татьяна Викторовна.

Сурт сомылым ышташ Максим эргышт пеш полша – тудо ача пелен тўрлў пашалан тунем шуын: вольыкымат онча, пўртым чонымаштат тырша. Ача уке годым пўрўен паша шукужо тудлан логалеш. Максим Коркатово лицейыште шинчымашым пога, черчений урокым йўрата.

Татьяна Викторовна кидпашалан мастар: тапычкым, пижергым могай гына тўрлў узор дене огеш сўрастаре! Ирина ўдыржымат тўрлаш, пидаш, урғаш туныктен. Изи годсек курчаклан тувырым урғаш йўратымыже, очыни, вургемым урғышо специалистлан тунемаш каяш шонымашым шочыктен. Ирина –

аван пурла кидше, Йошкар-Оласе техно-логический колледжыште тунемеш. Каныш кечылан толмыжым чылан куанен вучат. Тудо изи шольыжо-влаклан тамле кочкышым шолта, кўэштеш, модыкта, уроклан ямдылалташ полша. Теве шольыжо-шамычлан У ий пайремыш чиен каяш костюмым урғаш тўналеш.

Кирилл тений икымше классыш Ккаен. Сайын возаш, лудаш тунем шуын. Почеламутым моторын лудеш. Дима 4 ийым темен. Чия дене сўретлаш пеш мастар. Изаже пелен лияш йўрата, пырля тунемаш тырша. Кирилл тений кож воктене пире лияш шона. Шке ыштыме костюм дене пўлекым модын налнеже. Изи Димукат вараш ынеже код. «Костюмым чиен, мыят пайремыш каем», – манеш.



Т.В.Александрова – кум эргыж дене пырля.

Тек кажне суртышто эре ласкалык, ший памаш вўд гай пиал лийыт.

Кажне ешын У ий пайремлан шке йўлаже уло. Александровмыт еш У ий пайремым чылан пырля эртарат. Ава тутло чесым пога, пырля тўрлў онай модышым ямдылат, конкурсым эртарат, пайрем кастене аван шылтыме шере пўлекан кладым кычалыт. У ийым вашлиймеке, шкешт гаяк шуко йочан пошкудышт деке коштыт, вашла пўлекым кучыктат.

Кызыт Александровмытын ик тўн шонымаш – у пўртыш илаш куснаш. «Пўрткўргым ачален шуктымек, У ийлан илаш пурена, шонем», – ойла сурт озавате Т.В.Александрова.

Е.ИВАНОВА.



Авай, мый тыйым йўратем!

Авамын лўмжў – Екатерина Юрьевна. Тудо кевытыште пашам ышта, ен-влаклан шыл сатум ужала. Кевытче сатум налаш толшо-влакын кумылыштым налын моштышаш, поро, шыма лийшаш. Авам лач тыгаяк. Мўнтыштў каныш кечын ме тамле когылым, кочкышым ямдылена.

Мария МИХАЙЛОВА, 6-шо «В» класс.


Марий Турек школ.

Ава деч посна мўкшат ок иле.
Ава шїм ончылгочак шижеш.

Марий Эл Республикын тўвыра, печать да калык-влакын пашашт шотышто министр К.А.Иванов 11 декабрьште пресс-конференцийым эртарен. Тудо Театр идалыкыште ыштышаш паша дене палдарен.



Россий Президент В.В.Путин Театр идалыкым Ярославль олаште, Ф.Волков лумеш Россий кугыжаныш академический драме театрыште, почын. Икымше профессиональный театр 1750 ийыште ышталтын.



**13 декабрьште
Россий мучко
Театр идалык
почылтын.**

Марий Эл Республик Вуйлатыше А.А.Евстифеев Э.Сапаев лумеш академический опер да балет театрыште Театр идалыкым торжественно почын. Сценыш республикысе 7 театрын артистше-влак лектыныт.

Театр идалыкын тамгаже Марий Элыште тыгай лиеш. Тудым Йошкар-Оласе художественный училищын директоржо Борис Маклашин сўретлен.



Марий Элысе театр-влак нерген энциклопедий ямдылалтеш.



Шочмо йылмым калык ок мондо

Марий тиште пайрем 6 ноябрьште «Марла чын возена» **диктантым кудымшо гана возымаш** гыч тўналын. Марий Элысе районлаште, Йошкар-Олаште, Хант-Манси автоном округышто, Пошкырт кундемыште, Чуваший, Татарстан республиклаште, Австрийыште, Венгрийыште, Финляндийыште илыше-влак шинчымашыштым тергеныт.

«Ямде лий» газетын пашаенже-влакат ойыртемалтыныт: Марий кугыжаныш университетын студенткыже, редакцийыште тыршыше **Христина Александрова** студент-влак коклаште икымше верым налын. **Людмила Григорьева** кугыен-влак радамыште кумшо верыш лектын.

Диктантыш 6-11-ше класслаште тунемше ўдыр-рвезе-влак ушненыт. «Эренер ял» лўман текстым йоча-влак йонгылыш деч посна возаш тыршеныт. Иктешлы-

машым ыштымек, 1-ше верыш 9-ше классыште тунемше **Христина Дубовникова** лектын, 2-шо верым **Эдуард Большаков** (9-ше кл.) налын, 3-шо вер **Аня Пустяковалан** (8-ше кл.) логалын.

Аня АСТРАХАНЦЕВА.
Звенигово, Эсмекпляк.



Ты кечынак Республикысе марий тўвыра рўдер **«Мый да шочмо йылме туныктышем»** презентаций конкурсым эртарен. Тўрлў тагасыште икымше вер дене палемдалтыныт: **Анастасия Дмитриева** (Морко, Унчо), **Арина Белова** (**снимкыште**) (Медведево, Руш Кукмарий), **Марина Калачава**, **Денис Винокуров** (Йошкар-Ола, 17-ше №-ан шк.).

«Идалыкысе книга - **2018**» конкурсын «Йоча-влаклан эн сай книга» номинацийыштыже **Светлана Григорьеван** ямдылыме «Марий калык йомак-влак» книга сенышыш лектын.

Л.ГРИГОРЬЕВА ямдылен.




Фотошто - Пошкырт кундем Краснокам район Музеж ял гыч **Каролина Саликаева**. Изи ўдырлан улыжат вич ий. Йочасадыште ньога-влак марла мурат, куштат, почеламутым каласкалат. **Каролина** сценыште лияш йўрата, шкенжым артистла куча. Телевиденийыштат войзалт шуктен, нимыняр аптыранен огыл. Ончыкыжым кугу сценыште концертлаште ужаш тўналына манын ўшанена.

Х.АЛЕКСАНДРОВА.

Сценыште лияш йўрата

Изи олыкем кайык пайрем йўкан.



Изи артист
Лиям мый палыме, лўман, Пеш шуко рольымат модам. Эше тунемше вел улам. Талантым Юмо деч йодам.
Елена СЕМЕНОВА.
Национальный президент школ-интернат.



Кайык-влакым пукшыза!



Лум мландым петырен. Кайык-влаклан кочкышым муаш неле. Тыгай годым нунылан ен-влак полшат.

– Поро паша курым дене ила, – манеш калык. Йүштö телым кайыклан полшымо кумылым изинек чўктыман. Морко посёлкышто верланыше визымше номеран йоча-садыште кормушкым ыштеныт. Луктын сакыме столовыйышто кайык-влакат койыт ыле. Мыйым ужын, вушт! чонештышт. Корангмекем, уэш чонештен тольыч. Кормушкышто улшо кочкышым авызлаш пижыч. Теат, йоча-влак, поро пашашке ушныза. Кайык – айдемын йолташыже.

В.СМИРНОВ.




Мландым ош мамык лум петырен. Игече йүштö шога. Шулдыран йолташна-влаклан кочкашышт шагал. Нуным чаманен, Лиза шўжарем дене пырля олмапу укшеш кормушкым сакалышна. Кажне кечын тушко кочкышым оптена: шўрашым, ош кинде шултышым. Тылеч посна коям сакалена. Киса-влаклан эн тамле кочкыш! Кайык-влакын рўжге чонештен толмыштым куанен эскерена. Нунышт икте-весе коклаште чогыматат. Мыланна тауштышыла койыт.

Олеся ВОЙКИНА.

Шернур, Эшполдино.

Морко районысо «Йоча творчестве рўдер» тунемше-влак коклаште «Мыйын турист рюкзакем» фотографий конкурсым эртарен. Чылаже 71 паша пурен.



Телым мыланем кайык-влакым пукшаш келша.

Изам дене коктын кормушкым ыштена, тушко кажне кечын кочкышым оптена. Йошкар онан өрш але ужар киса ковамын да кочамын чоныштым куандарат.

Никита ПАУТКИН.

Кужэгер, Конганур.

Акций

Марий чодыра мотор да сылне – Марий чодырам мый йöратем. Марий чодыра ден кугешнем. Чодыра пытарышым вурсем!

Лиана КУДРЯШОВА.

Чодыра! Чодыра!

Мыняр пояндык:

Саска да понго,

кушкыл, яндык!

Яндар, эм гае юж да

чон ласкалык.

Кунам умыла пиалжым калык?

Даша ЮРЬЕВА.


Национальный президент школ-интернат.

Лудым лўйышна

Шолэнгерыште мыйын эн йöратыме енем ила. Тиде Валерий кочам. Тений кенежым кочам ден коктын шуко гана сонарыш миенна. Мый пеш куаненам. Иканаже лудым лўйышна. Лўяшыже кочам лўйыш, а мый шы-ы-ып ончен шогышым. Теве вашке коктын мерангым покташ каена.

Денис ТРОФИМОВ.

Звенигово, Нуктыж.



Ачада, кочада але палымыда сонарзе гын, нунылан тиде увер пайдале: коло деч утла рывыжым кучышо енлан кугу ирсöснам але шордым лўяш разрешений пуалтеш.

Марий Эл Республикысе Йоча экологий да биологий рўдер юниор-влак коклаште вўд конкурсым увертара. Тушко 14 гыч 20 ияш-влак ушнен кертыт. Тыгай номинаций-влак темлалтыт:

«Начинающие журналисты пишут о воде»;

«Охрана и восстановление водных ресурсов в бассейне реки Волги»;

«Вода и мир»;

«Вода и климат»;

«Лучший инновационный проект».

Республиканский этапыш паша-влакым 2019 ий 28 январь марте колтен шуктышаш улыда.



Никита ХАЛТУРИНЫН сўретше.
Советский, Орша.

Модшо-влак:

- Вуверкува
- Йүштö кугыза
- Лумүдыр

1-ше сүрет

Зал покшелне сорастарыме кож шога. Кож йымалне – Йүштö кугызан пöлек мешакше. У ий мура але весела марий сем йонга. Мура кұрылтеш. Залыш Вуверкува тұрвыч пура. Тудо чот шыде.

Вуверкува:

– Апчи, апчи... Уэш теле толын. Эх, кузе мый тиде пагытым ом йöрате! Тыгай йүштыштö үштервоштыремат ок чонештыл (йол дене пуйто мотоцикл педальым тарвата, заводитла), «топлого» манметат кылмен шинчеш. Ужат? Эй, калтак! Тышке пулвуй марте лумым келын толынам. Лұмын толынам! Нöренам, кылменам... Апчи... Паледә, эше молан телым ом йöрате? Телым йұла почеш У ийым пайремлат. Чыланат мотор кож йыр пöрдьт, мурым мура, куштат, Йүштö кугыза деч пöлекым налыт... Но нимат огыл, тиде гана мый чыланан тыгай пайремым ончыктем! Нимогай У ий огеш лий! Тиде мый, Вуверкува, мутым пуэм!

Кож укш гыч ик-кок модышым налеш, кұсенышкыже пышта. Вара мужедаш пижеш.

Вуверкува: (кидше дене кожым ниялткала)

– Ёлка йыр тавен кушташ
Огеш лий тачат, эрлат!
Ик, кок, кум! Йöрталт!

Кож йұлымым чарна.
Вуверкува, пöлек калтам руалтен,
зал гыч куржын лектеш.

2-шо сүрет

Йүштö кугыза ден Лумүдыр тодыт.

Йүштö кугыза:

– Поро лийже, йöратыме йоча-влакна,

Салам лийже пагален толош уна-влакна!

Лумүдыр:

– Моткоч кугу куан тендан дене пырля лияш!

Йүштö кугыза:

– У ий пайремым вучен улыда мо? (Вашмут.)

Лумүдыр:

– Йүштö кугыза деч пöлекым налаш кумылда уло мо? (Вашмут.)

Вуверкува да У ий (Пайрем программе)



Ф.Лебедеван сүретише.

Йүштö кугыза:

– Пырля мураш, кушташ да веселитлаш ямде улыда? (Вашмут.)

Пеш сай! Тугеже тұналына веле!

Лумүдыр: (Йүштö кугызалан)

– Кочай, кочай, ончо, кожна огеш йүлө. Ынде мом ыштена?

Йүштö кугыза: (уныкам порын вұчкалтен)

– Ит ойгыро, уныкам. Теве «Кожна, чұкталт!» манын пырля кычкырал колтена гын, чыла лиеш. Йоча-влак, айста полшыза! «Кожна, чұкталт!» манын кум гана пырля каласена. Икыт, кокыт, кумыт.

Чыланат: «Кожна, чұкталт! Кожна, чұкталт! Кожна, чұкталт!»

Лумүдыр: (Йүштö кугызалан)

– Уке, кочай, тыште вес амал. Мыйын шонымаште, тиде Вуверкуван осал паша-же. Йоча-влак, те

Вуверкувам вашлийын огыдал? (Вашмут.) Тугеже гын тиде Вуверкува ёлкым эрта-раш мешайынеже.

Вуверкува толын лектеш.

Вуверкува:

– Туге, туге, Лумүдыр, чыным ойлет. Кожысо йыле-йұли тулым мый йöртенам. Кочатын калтажымат мыак сакалтен каenam. Ынде йоча-влак тамле пöлек деч посна кодыт. Нимогай пайрем тыланда огеш лий! Вот тыге!

Лумүдыр:

– Вуверкувай, тый чот виан улат. Осал пашам ышташ йöратет. Но тый шкетын гына улат, а мемнан ўшанле йолташна-влак шукин улыт. Пырля ме ойгым, осалым сенен кертына.

Вуверкува:

– Ой-ой-ой, чот лұдынам. (Кугун воштыл колта.) Мыскарам ыштет огыл чай, Лумүдыр? Кугыза, йолташеш-влак кушто улыт? Мый тыйым да тендан деч молым нигөм ом уж...

Лумүдыр:

– Кузе тыге, Кувай, йыр савырнен ончал. Ужат, ме мынярын улына.

Йүштö кугыза:

– Йоча-влак, те вет мыланна полшеда? (Вашмут.) Пеш сай! Тұшкаште мемнан вийна!

Вуверкува: (Кидкопам сангаш пыштен, йырже ончал савырна.)

– Ого, мынярын улыда! Вийда кугу! Но мый тыланда тыге яра ом сеналт. Кунам те мыйын шым йодышем шуктеда, тунам гына чыла мөнгеш пöртылтем. Кагазыште чыла возымо. Теве кучыза! (Вуверкува Йүштö кугызалан кагазым шуялта.)

Йүштö кугыза:

– Йöра, Кувай, тьят мутетым кучо!



Тичмаш

текстым
«ВКонтакте»
https://vk.com/yamde_lii
тұшкаште кычалза.

Модаш үжеш

Лум лумеш,
мардеж үштеш –
Теле толын
 мемнан дек.
Изи чонемже
 пеш модеш,
Уремышке
 мемнам үжеш.
Курык гычын
 мунчалташ



Да лум гыч орым чогаш.
Могай сылне теле жап –
Уремыш кажныжым үжеш:
Ече дене мунчалташ,
Спорт ден(е) кылым кучаш.


Катя РЫБАКОВА.

Шернур посёлко.

Шушаш 2019 ий – Соснан идалыкше. Мый лач тиде ийын ош тўняш шочынам. Садлан авам мылам шке шортньо кидше дене мотор соснам пидын. Мый пөлеклан моткоч куаненам. Үшанен кодам, Сосна идалык тазалыкым, пиалым да тунем-маште лектышым конда.

Эльмир АНИСИМОВ.

У Торьял, Токтарсола.



Мастар кид

Чын йолташ мо?

Икана камвозымат, пеш чот йолем эмгатышым. Воктенем йолташем ыле.

– Мөнгө марте миен шуаш полшо, – маньым.

– Тыманмеш, – пелештыш. – Кугурак еным кычкырал толам.

Кайыш да йомо. Ыш тол. Мый пелйола төрштыл, кечкыж-пеныж, пыкше-пыкше мөнгө миен шум. Тылеч вара тудо мыланем могай йолташ?!

Иван

**ВАСИЛЬЕВ.
Морко,
Коркатово.**

**Йоча-
влак, а те кузе
ыштеда ыле?**

Түткө лйза

Шийгол, осётр, толстолобик, нужгол пеш виян коллан шотлалтыт. Нуно колызым вакыш шупшыл кертыт. Сандене энырвоштырдам кид, йол, кап йырда ида пўтырө, а лишне улшо пушенге тўныш але вожыш кылдыза. Ийыш кералме тояшкат кылден кертыда.

МЧС шижтара:

ий ўмбаке кугуен-влак деч
посна ида лек!


Тушто

Нылытын куржыт, нылытын вашкат, икте-весеыштым эрташ точат, а и к в е р е ш каят, иквереш толыт.




Акростих

Мо тынаре урмыжеш?
Ала пире чот шужен?
Рывыж огеш урмыж.
Да тыгак вашмут лектеш.
Еным лўдыктен,
Жаплан урмыжеш мардеж.
Ольга СТЕПАНОВА.
Морко, Шап Унчо.



**15
декабрь –
Чайын
кечыже**




Йолташ ден модса. Кө эн ончыч кок икгай чурыйым ончыкта.

Сүрет


почеш ныл корнан почеламутым
шоньыза. Көн эн онай лектеш?

Сүретым чиялте.



Пижергын вес пелыжым
сүретлен пытаре да чиялте.

КОНКУРС!




«Сöрал вуйчием»



Софья ПОЛИКАРПОВА.
Йошкар-Ола.

Морко посёлко гыч **Аня АЛЕКСЕЕВА, Ева НИКОЛАЕВА** да **Юлианна ИВАНОВА** мемнан конкурсышко ушнат.



Изи Вачи машина дене модеш. Тудын деке палыдыме ег толын шогале да йодо:
 – Ачат мөнгыштö?
 – Мөнгыштак, – модмо кокла гыч вашештыш Вачи.
 Палыдыме ег омсам ик гана, вес гана тўкалтыш, но иктат ыш поч. Вара рвезе велыш савырныш:
 – Ачатше молан ок поч, мала мо?
 – Мемнан пöртшö тиде огыл вет.



Юла

Ик жаплан лиям юла,
 Выр-вур пöрдын савырнем.
 Тöрштыл кертам ик йола.
 Весымат нöлтал сенем.
 Ваш ончал савырнена,
 Парт коклаш верланена.
Н.ИЛЬИНА.





Машинам ышташ могай фигур-влакым кучылтмо?



Радамым сүретлен пытаре.

Кудо лум пырче лум ораш писынрак миен шуэш?



Могай сүрет лектеш?



Ик мужыр ече тоя 146 тенге шога. 584 тенгелан мыняр мужыр ече тоям налаш лиеш?

Таче шумат-кече. Уремыште пеш йўштö огыл. Йоча-влак, ечим чиен, издерым налын, курыкыш вашкат. Изирак-шамыч лумьенным ышташ. Нунат пеш толашат. А мый ече дене коштам.

Даша СЕМЕНОВА.
Морко, Коркатово.

Индекс: Марий Элыште, Пошкырт ден Татарстан кундемлаште - П4696. Тираж 1150 экз. Заказ 2367. Формат – А-4-8. Директор-тўн редактор Л.В.Семенова.

УЧРЕДИТЕЛЬ-ВЛАК: Марий Эл Республикысе культур, печат да калык-влакын пашаш шотышто министерстве, «Ямделий» газет» кугыжаныш унитарный казна предприятий.

Газетым Массовый коммуникаций сферыште да культур наследиим аралымаште законодательством шуктен шогымым эскерше Федеральный службыв Приволжский федеральный округысо управленийыштыже регистрироватлыме. Номер – ПИ №ФС 18-1999, 2005 ий 10 февральыште пуымо.

Печатьыш пуымо жап – 14-00, фактически – 13-00.

Авторын да редакцийын шонымашышт тўрлö лийын кертыт. Серыш-влак мөнгеш огыт колталт. Ак – кутырен келшыме почеш.

E-mail: yamde_lii@mari-el.ru, yamde_lii@mail.ru
 Сайтын адресше: yamde-lii.pro,
 Тел. 8(8362) 45-22-82 (факс).

Газетым редакцийыште погым да верстатлыме, «СТРИНГ» ИПФ ООО-што ямде оригинал-макет гыч савыктыме. Типографийын адресше: 424006, Йошкар-Ола, Строитель урем, 95.

Газетым Печать да массовый коммуникаций шотышто Федерал агентствын окса полишыж дене лукмо.

0+

Редакцийын да издательын адресше: 424006, Йошкар-Ола, СССР Вооружённый Вийын 70-ше идалыкше урем, 20 (юридический) Энеруьбал Амстердам, 1 (фактический).